



Vniuersa Theologia Scholastica, Speculatiua, Practica

Ad methodum S. Thomæ, quatuor Tomis comprehensa

Tanner, Adam

Ingolstadii, 1626

Dubium I. An & qua ratione proprium Dei attributum sit, esse immutabilem.

[urn:nbn:de:hbz:466:1-72856](#)

inquit, quod si per impossibile penatur, locum evacuari, tunc remanere intelligitur capacitas loci priuata: capacitas aliquid est, & in illa DEVS est, priuatio autem nihil est; & in illa DEVS esse non potest. Vbi videtur duo distinguere in illo loco, videlicet ipsam priuationem corporis, seu vacuitatem per se nude spectatam; secundo, vacuum in concreto, seu capacitatem illam superficie ambientis, ut apta est continere locatum: in illa vt sic, negat Deum esse; in hac affirmat. Idem cum eadem distinctione video nunc etiam tradi à Gillio lib. 2. tract. 9. cap. 19. num. 3.

Idem plane supponit S. Augustinus l. c. nimirum absurdum esse, vlla ponere locorum spatia, in quibus Deus præsens non adsit. Idem significat S. Thomas hic q. 8. a. 2. cum docet, Deum esse ubique, adeoque in omni loco, etiam vt locus est; hic autem de quo loquimur, locus est, Ergo.

Neque verò contra hanc assertionem procedunt argumenta superius facta contra spatia imaginaria: istud enim est verum & reale spatium; imo & verus locus: rectè ergo dici potest, ibi & in illo aliquid esse. Atqui, dices, etiam illa vacuitas intra superficiem contenta, est merum non-ens, adeoque vel negatio pura, vel certe priuatio. Ergo in illa nihil est, aut esse potest, vt supra argumentabamur. Respondetur, aliud esse vacuum, aliud vacuitatem: nos dicimus in vacuo, & intra vacuum esse Deum, non in vacuitate, vt loquuntur etiam Bonaventura & Gillius loc. cit. quamquam & hæc non potest esse, nisi nominis questio.

Assertio VII. Deus absque omni sui mutatio-
ne reali, & omnia, si qua de nouo dantur spatia,
& loca replet; & priora, si desinat esse, deserit,
per solam ipsarum rerum immutationem. Est
extra controversiam apud cit, & asseritur à Iustino
Martyre dial. cont. Tryphonem, & à S. Au-
gustinolib. 7. de ciuit. Dei c. 30. & l. 16. cap. 5.
Ratio sumitur, tum ex dictis dub. præcedent. vbi
docuimus, præsentiam Dei, in loco aut rebus
creatis nihil reale superaddere, Dei existentia

in seipso, sed solam denominationem extrinsecam; tum ab immutabilitate DEI, de qua quæst. seq. Vnde patet, errorem esse dicere, Deum in se ideo mutari, quod in his, aut illis rebus, seu locis esse primum incipiat. Seus est, si loquamur de mutatione relationis rationis, sive denominationis extrinsecæ, qua nép respectus quidam extrinsecus præsentie variatur, vt rectè Vasquez loc. cit. num. 28. Idem fit in denominationibus, quæ sumuntur ab actione DEI transiente.

Vnde colligitur, etiamsi totum hoc vniuersum localiter moueretur, secundum lineam rectam, (quod negant fieri posse Bannes hic artic. 2. & alij quidam recentiores, nisi ponatur extra hoc vniuersum realis quidam terminus, unde sumit distanciam noua, per motum acquirenda; a quibus dissentit Vasquez à numer. 25.) aut etiamsi Deus nouum mundum crearet, hoc destructo, tamen Deum nequam de loco in locum motum iri: quidquid sit de extrinseca denominatione in priore casu; in quo etiū concedant nonnulli, Deum per accidens, & extrinseca denominatione motum iri, ita vt in Deo solum respectus quidam extrinsecus præsentia & distantia varietur; rectius tamen negat Vasquez à numer. 25. quia DEVS cum sit non solum ubique, sed etiam extramundum in seipso, à re nulla diffare potest. Præclare hac dñe S. Bonaventura citat. quæst. 2. Cum res, inquit, priuatur (seu definit esse) auferetur comparatio eius ad Deum: sed cum res mouetur, DEVM non dimittit, nec ad DEVM accedit: nec DEVS ad eam reuenit; quia sic est in re, vt si extra rem idem. Ideo nec res unum dimittit, nec nouum inuenit. Et hoc est intelligibile, si quis potest intelligere, quod DEVS sit immensus, simplex, & infinitus. Quia enim est immensus, ita est intra, quod extra: quia simplex, secundum unum & idem, est intra & extra: quia infinitus, ideo nec dimittitur, nec acquiritur aliud in re: nec ab ipso iter ad ipsum, cum dimittitur, vt alibi & alibi inueniatur.

Q V A E S T I O V .

De Immutabilitate, Aeternitate, & Unitate DEI.

S. Thomas i. p. q. 9. 10. 11.

Hec tria itidem attributa paucis expediti possunt; qua proinde una questione complecti-
musr. Absolutetur verò hec quæstio tribus dubijs. I. An & qua ratione proprium Dei at-
tributum sit esse immutabilem. II. In quo consistat attributum eternitatis; & qua ratio-
nesit proprium Dei. III. An & qua ratione proprium Dei attributum sit, esse unum.

D V B I V M I.

*An & qua ratione proprium
DEI attributum sit, esse im-
mutabilem.*

S. Thomas i. p. q. 9. a. 2.

D iversitas mutabilitas in præsenti distingui po-
test; vna physica & realis, qua quid à par-
te rei, ac in se ipso aliter se habet nunc, quam an-
tea; altera moralis, in quadam animi inconsitan-
tia, & propositi mutatione consistens; etiam omni physica & reali mutatione seclusa: de vtraque
breueriter agendum.

Assertio

Affirmatio I. Deus proflus est exp̄s & incapax omnis physica seu realis mutationis, adeoque hac ratione simpliciter & absolute immutabilis. Ita sanctus Thomas hic quæst. 9. artic. 1. & in 1. dist. 8. quæst. 3. artic. 1. & Opus. 3. capit. 4. omnibus Theologis consentientibus: & est de Fide definitum in Concilio Lateranensi capit. Eirmiter, de Summa Trinitat. & fide Catholic. Probatur apertis Scripturæ testimoniis Psalm. 101. v. 26. *Initio tu Domine terram fundasti; & opera manuum tuarum sunt celi: ipsi peribunt, tu autem permanes: & omnes sicut vestimentum veterascent. Et sicut opertorum mutabili eos, & mutabuntur: tu autem idem ipse es, & anni tui non deficient.* Vbi Deus quoad immutabilitatem opponitur cœlo & terra adeoque toti creatura. Malach. 3. vers. 6. *Ego enim Dominus, & non mutor: & vos filij Jacob non estis consumpti.* 1. Timoth. 6. vers. 16. *Qui solus habet immortalitatem, & lucem inhabitat inaccessibilem.* Jacob. 1. vers. 17. *Apud quem non est transmutatio, nec vicis studius obumbratio.* Quæ loca cum absolute negant, Deum mutari posse, intelligenda in primis sunt de mutatione omni reali & physica, seu substantiali, seu accidentalis.

Secundo idem passim & aperte docentes SS. Patres. Optime Augustinus lib. 1. de Trinitat. capit. 1. & lib. 5. cap. 2. vbi hoc ipsum probat ex illo Exodi 3. *Ego sum, qui sum. Quod mutatur, inquit, non seruat ipsum Eſe: & quod mutari potest, etiam si non mutetur, potest, quod fuerat, non eſe: ac per hoc illud solum, quod non tantum non mutatur, verum etiam mutari non potest, sine seruari ocurrat, quod verisime dicatur Eſe.*

Tertio idem probatur euidenter à sancto Thoma citat. quæst. 9. artic. 1. tribus rationibus. Prima, quidquid quoconque modo mutatur, est aliquo modo in potentia eo ipso quod aliter & aliter se potest habere: Deus autem nullo modo est Ens in potentia; cum sit purus actus, ex dictis supra quæst. 1. dub. 5. Ergo nullo modo est mutabilis. Secunda. Quicquid mouetur, aut mutatur, habet aliquam compositionem; vel quia secundum aliquid manet, & secundum aliiquid transit, ut inquit S. Thomas; quod saltem in motu magis proprie dicto verum habet; vel certè quia hoc ipso, quod mutatur, non potest esse Ens per essentiam: atqui in Deo nulla planè composito habet locum ex quæst. 2. dub. 1. Ergo, &c. Tertia. Si Deus moueretur, utique moueretur motu aliquo, seu mutatione perfectiva, non corruptiva, nimurum acquirendo aliquid, quod prius non habebat, seu extendendo se ad aliquid, ad quod antea non extendebar: sed hoc est impossibile; cum Deus sit infinitus, comprehensens in se omnem plenitudinem perfectionis totius Eſe, ex quæst. 7. dub. 1. Ergo, &c.

His addi potest hæc quarta ratio; quia nullum ens vndiquaque necessarium potest esse, mutabile; id enim non potest aliter se habere, vñquam; quod autem mutatur aliter & aliter se habet: Deus est ens vndiquaque necessarium, ex dictis quæst. 1. dub. 5. Ergo non potest es-

se mutabilis. Præter, has verò generales rationes specialis ratio immutabilitatis secundum locum sumitur ex Dei immensitate; vt dictum quæst. 4. dub. 4. immutabilitas secundum durationem, ex æternitate; immutabilitas secundum accidentia, ex simplicitate. Quas ob causas etiam plerique veteres Philosophi, quasi ab ipsa veritate coacti affirmarunt, primum principium esse immutabile, vt notauit S. Thomas ibidem a. 1.

Quod verò contra hanc assertione ex Incarnationis mysterio, quo Deus homo factus est, cum antea non esset homo, obici posset, pertinet ad 3. partem. Interim uno verbo dicitur, Deum, absque omni reali & intrinseca sui mutatione, hominem esse factum; quia terminatio humanae naturæ nihil reale nouum ponit, in ipso Verbo Incarnato, sed solum in humana Christinatura, vt ibidem declaratur.

Affirmatio II. Deus itidem planè exp̄s & incapax est omnis mutationis moralis; etiam si hac in Deo alioqui per se nullam involueret mutationem physicam. Est itidem communis, & certa apud sanctum Thomam ibidem, & extra controversiam; & colligitur ex citata definitione Ecclesiæ, & allatis Scriptura locis: quæcum simpliciter & absolute loquantur, omnem veram mutationem in ipso Deo excludunt. Speciatim autem de hac etiam loquitur illud Malach. 3. *Ego Dominus, & non mutor, nimirum etiam quoad proposita & promissa, quibus posteritatem ac semen Jacob sc̄ perperuo seruaturum promiserat;* vt mox ibidem subsequentibus verbis significatur: *Et vos filij Jacob non eſtis consumpti.* Idem apertissime patet ex illo Numer. 23. vers. 19. *Non eſt Deus quasi homo, ut mentiatur; nec ut filius hominis, ut mutetur.* Dicit ergo & non facit locutus eſt, & non implebit? Item 1. Reg. 15. vers. 29. *Pero triumphator in Israel non parcat, & pænitudine non fleatur;* neque enim homo eſt, ut agat pænitentiam. Et Proverb. 19. vers. 21. *Multa cogitationes in corde viri: voluntas autem Domini permanebit.*

De qua re optime sanctus Augustinus lib. 12. Confess. cap. 15. ait se ab ipsa veritate edoctum: *De vera æternitate Creatoris,* quod nequaquam eius substantia per tempora varietur; nec eius voluntas extra eius substantiam sit: unde non eum modo velle hoc, modo velle illud; sed semel & simul, & semper velle omnia, quæ vult: non sterum, & iterum, neque nunc illa, nunc ista; nec velle postea, quod nolebat; aut nolle quod prius volebat; quia talis voluntas mutabilis eſt; & omne mutabile eternum non eſt: *Deus autem noster eternus eſt.*

Idem probat euidentis ratio; quia mutationis voluntatis ac propositi, relati ad omnes suas circumstantias, secundum quas aliquid volitum, & potesta non volitum eſt, arguit planè aliquam imperfectionem cuiusdam mobilitatis animi & inconstantia, eo ipso, quod repudiatur & abjecitur, irritumque ac inefficac redditur prius voluntaris decretum: esto hæc mobilitas animi in hominibus, vitio, virtuti alicui opposito non detur; quādo quis omisso min' bono, postea vult melius, iuxta S. Thomā in 2. q. 53. a. 5. & q. 138. a. 1.

at verò

at verò à Deo ab esse debet omnis imperfectio. Ergo, &c. Quæ ratio probar, eiufmodi mutationem à Deo necessariò abesse, etiam si ea perse nullam involueret in Deo mutationem physicam, ut recte Suarez lib. 2. de Deo cap. 3. n. 4.

Quamquam absoluè loquendo, verius est, si ea mutatio ita in tempore accideret, futurum, ut simul etiam involueret mutationem physicam, & realem in Deo: quamus enim Deus ab æternō sine illa mutatione physica potuisse id non velle, aut oppositum velle, tamen postquam id semel voluit, ad oppositum transire non potest, nisi mutatione physica & reali in ipso Deo interveniente; saltem ob eam causam, quia tunc hoc ipso voluntas Dei non futura estet infinite perfecta, adeoque nec eam perfectionem habitura, quia sine omni mutatione sui intrinseca, ab uno & eodem obiecto secundum omnes circumstantias spestat, possit terminari, & non terminari.

Quo sensu intelligo communem Doctorum sententiam, quidocent, Deum realiter intrinsecè mutantum iri, si eiufmodi quædam varietas daretur in actibus diuinæ voluntatis: in quibus sunt Ferrarensis lib. 1. cont. gent. cap. 8. 3. Bassolis in 1. d. 45. q. 2. a. 3. Lychetus q. vn. concl. 2. De qua re plura inferius de scientia & voluntate Dei libera. Quando verò subinde Deo tribuitur pœnitentia, aut aliqua retractatio voluntatis, intelligendū id est impropriè, & secundum effectum, iuxta S. Thomam infra q. 19. art. 7.

Assertio III. Potest tamen Deus aliter se habere, secundum denominations extrinsecas, seu respectus rationis, absque illa sui mutatione. Ita communis Doctorum, cum S. Thoma 1. p. q. 13. a. 7. & q. 7. de potent. a. 8. & in 1. d. 30. q. vn. a. 1. post Anselmum in Monolog. c. 24. & Augustinum li. 5. de Trinit. c. 16. licet olim hac de re dubitauerit, ut videre est li. 12. de ciuit. c. 15. Ratio est. Quia denominations extrinsecæ, vt & respectus rationis, nec pro fundamento supponit mutationē aliquā in ipso Deo, sed solum in creaturis, nec perse sunt, aut ponit aliquid reale in Deo, vt patet: nihil ergo obstat eas de nouo Deo aduenire, & circa Deum variari; vt est denominatio sive relatio Creatoris, Domini; item relatio cogniti, præsentis secundū indistantiam localem, & similes; idq; citra ullam Dei mutationem; quia vera mutatio non accidit, nisi per veram receptionem, aut amissionem formæ realis in ipsa re existentis. Vnde etiam colligitur, eiufmodi relationes Dei ad creaturas, solum esse rationis, non reales, vt docet S. Thomas loco cit. & 1. p. q. 13. a. 7. Alensis 1. p. q. 4. m. 1. Richardus d. 30. q. 4. ad 6. & communis Theologorum ac Philosopherum, ut suo loco pluribus dicetur.

Assertio IV. Immutabilitas hoc modo explica-ta, ita propriè solius Dei est, vt per nullam potentiam illi creaturæ possit esse communis. Ita S. Thomas hic 1. p. quæst. 9. a. 2. & in 1. d. 8. q. 3. a. 2. cum Magistro ead. d. 8. ex communi omnium Doctorum consensu. Et colligitur ex citatis Scripturæ testimonij: idemque passim docent SS. Patres. Optime Augustinus lib. 2. de morib. Manich. c. 1. Cyrillus Alexandrinus lib. 3. in Ioan. cap. 23. & lib. de recta fid. ad Theodosium, Gregorius

Nysenus lib. de hominis opificio. capit. 16. Gregorius Magnus lib. 12. Moral. capit. 17. in illo Job 15. Ecce inter sanctos eius nemo immutabilis. Anselmus in profologio capit. 22. & in Monologio cap. 28.

Idipsum ratione optimè etiam probat & declarat S. Thomas cit. q. 9. a. 2. Primo enim omnia sunt mutabilia extrinsecè ab ipso Deo, etiam quod substantiam suam; quia secundum suum esse, & cōseruari perpetuò ac necessariò pendet à Deo, iuxta S. Augustinum lib. 4. in Genes. ad lit. cap. 12. adeo ut etiam implicet contradictionem, hac ratione non esse mutabilia; alias enim nec Deus esset Deus, nec ipsa essent creaturæ: quibus nimurum intrinsecum est dependere in suo Essere à primo Ente. Deinde omnia etiam aliquo modo sunt mutabilia intrinsecè; aut secundum substantiam, ut sunt entia natura sua corruptibilis; aut secundum varia accidentia, præcipue secundum locum; aut secundum operationem immanentem: priori modo mutabiles sunt coeli; vtroq; modo Angeli, &c. Neque hanc intrinsecam mutabilitatem tollere possunt dona gratiarum; et si possint impedire actū secundū, ut pluribus declarat Alensis 2. p. q. 13. n. 4.

Assertio V. Attributum Immutabilitatis formaliter est negatiuum; et si pro fundamento habeat perfectionem Entis necessarij. Est communis iuxta S. Thomam 1. p. initio quæstionis tertiae, & patet ex dictis assert. 1.

D V B I V M II.

In quo consistat attributum aeternitatis; & qua ratione sit proprium Dei.

S. Thomas 1. p. q. 10. a. 2. 6.

Svpponenda est hoc loco definitio aeternitatis, Sex Boetii lib. 3. de Consolat. prosa. 2. & S. Thomas hic q. 10. a. 1. & in 1. d. 8. q. 2. a. 1. & d. 19. q. 2. a. 1. ac omnibus Scholasticis ibidem recepta: *Ef* interminabilis vita tota simul ac perfecta posse, quasi dixerit: Est constans & immutabilis, seu independens a successionis expers permanens sive duratio vitæ, nullo principio aut fine terminabilis, ut declarat S. Thomas hic q. 10. a. 1. In qua definitione, in obliquo ponitur *Vita* (nimurum actualis & substantialis) tanquam proprium subiectum huius quasi passionis; perinde ac si describatur similitas curvulas nasi: neque enim aeternitas hæc validius alterius rei esse duratio potest, quam viventis, & quidem perfectissimi, ut dicitur. Hoc posito, quæ ad hoc attributum pertinent, in quibus non pauca sunt inter Scolasticos controværsia, sequentibus assertionebus explicamus.

Assertio I. Deus verè propriè ac simpliciter est aeternus. Ita S. Thomas hic q. 10. art. 2. & in 2. d. 2. q. 1. a. 1. & lib. 1. cont. gent. cap. 15. & de potent. q. 3. a. 17. & opusc. 3. à cap. 5. & consentiunt omnes Doctores; & est de fide ex Concilio Lateranensi cap. Firmiter, de Summa Trinit. & fide Catholic. & ex Symbolo Athanasij. Probatur,

aperte